

晉陽鄭氏世譜序

氏族有譜昉於周官之奠系世辨昭穆而有宋程夫子至以管攝人心厚風俗擬之其由來之遠而所繫之重如此竊嘗恠夫眉山蘇氏之爲族譜也則乃止於親盡之祖而子得書孫不得書復曰譜吾作也詳吾之所自出此果何例也夫祖而止於親盡則上系有不奠者矣子書而孫不書則昭穆有未盡辨者矣獨詳於其所自出則是猶爲一人一家之私也其視管攝衆心之意爲何如也范文正公有言宗族雖有親疎自祖宗視之均是子孫由是則宗族之道貴乎相統而不可分異凡同爲祖宗之子孫者皆可譜而合之也晉陽之鄭於州舊爲大姓其分系而爲族者殷烈公之後最蕃以行其初爲譜大抵各記所出各從所近詳畧異規親疎不能該舉自 健陵乙巳始合同而爲譜其後歷 仁陵庚寅 洪陵乙亥光武壬寅以及建歲己巳凡得五本而漸以詳備至今年甲午又踵而續修之卽義例惟舊而所收者益廣至其散漫布濩之彌廣而近遠顯晦同異出入之際容或有未盡歸一者然其大體不害爲殷烈氏之大同譜矣蓋鄭氏之著於譜始自高麗戶長子友六世而至殷烈公殷烈之後有版圖判書任德有三子曰愈禮儀判書曰慙宗簿寺令曰懃典教副令

今此爲譜者寔三公之後也三公之後官職勛業行誼文章磊落相望而壹是殷烈公德厚流光之驗吁何其盛也覽於是譜而可使人人各知其所自出與其所由分之本同一原上而推之無窮下而達於均視既無親盡世降之爲限亦無彼此詳略之異例則其孝弟之油然而生當非蘇氏之可比而措之天下人心豈有不攝風俗豈有不厚者乎今之譚者動稱國民爲同族而其實相戕相害不避於周親雖曰民族之無良亦豈非言之無當而不究其所以然之實故耶又或有言者曰古者族無譜而九族親至蘇洵氏始有族譜之作而譜系益詳民風日薄夫九族之親固有待於譜而譜之作乃爲收族則寧得不譜而知其爲族乎况有周官之制程子之訓如彼其遠且重而必取據乎蘇氏之一偏者不亦異乎余則以爲人未有無本而生者亦未有不推其本而名之爲族者本之斯敬之矣推之斯愛之矣敬之欲其無忝也愛之欲其無遠也是其爲譜之義然矣民風之薄非譜之過也乃譜之不以其道之致爾是在夫人勉戒之如何已矣鄭君載權誠鎬弘斗請余以序極知不堪而自以屬在外裔誼不敢辭遂謹書此以復之東方紀元四千二百八十七年陽復之月

譜惡乎作氏族之不明而譜以之明昭穆之難辨而譜以之辨以故譜不可不作矣  
程夫子嘗曰收宗族厚風俗須是明譜系朱先生亦曰譜系明然後孝悌忠厚之道  
行推此觀之譜之有關於世教爲如何哉我鄭之氏晉陽者舊有八家之名而以殷  
烈公諱臣烈爲派別之祖者卽其八之一而亦吾之所自出也其初爲譜各具家乘  
不能修大同而至健陵乙巳始得合譜其後續修者累矣而規例漸得詳備往年癸  
巳冬諸族會龍山齋議曰曰今世有無前大亂諸族之離合存亡未可知也蓋及此  
時而合宗爲譜乎僉曰可於是廣告列郡派定有司單而葺之蓋其氏族蕃衍散在  
八域雖未能盡同于一然爲我晉陽氏一家之史則優矣但爲勢所拘取其省繁縮  
簡而未免多苟艱是則可恨也是役也同心贊畫者載承孝悌誠鎬弘斗也掌財者  
東煥也書寫者鳳湜載七賞鉉也奔走東西始終殫勞者太佑允憲也嗚呼吾譜之  
作實出於收宗族厚風俗而凡譜於斯者必以忠信孝悌爲心思所以無忝爾所生  
則譜之力豈淺尠也哉於是乎書奉以告于後來者

晉陽鄭氏世譜卷之一

始祖

鄭子友

號鳳山高麗正朝戶長

初回

七世

子玄就

中祖

二世

子任德

三世

子愈

四世

子天益

二世

子漢汝

進士壯元

三世

子居中

門下侍中

四世

子國孺

文科壯元官室平章事

五世

子仁順

成均錄正載權草潤文海所撰大東韻玉

六世

子臣烈

號官亭天稟英豪銳志篤學力排佛敎反究性理蔚為當世儒宗顯宗朝薦遺逸歷職清要轉擢兵部尚書當契丹亂以公有大勳勞特秩金紫光祿大夫封晉陽府驍君諡殷烈世傳召南驛為尚書故址而驛南亭有大樹黛色蔽天是公所植今稱之以官亭者蓋因公號也墓州

檢校軍器監防禦史

左右衛保承中郎將贈匡靖大夫僉議府贊成事○按彙譜諱玄就之下書以後孫晉卿舊譜序亦云諱玄就之下破字減未詳其世諱故特書諱晉卿以備後攷

初諱仁得知善州事奉翊大夫版圖判書配晉陽姜氏父奉政大夫典校判居正

初諱貽蔭禮儀判書恭愍王二十一年與弟恣從父備倭於河東府倭寇乘夜猝至衆皆遁版圖公病不能騎馬公與弟恣扶擁而出賊追及之公射殺數人賊不敢前有一賊奮劍突進刺版圖公頰恣以身蔽之且斬四人力戰却之版圖公得免恣竟沒於賊載麗史東國通鑑及晉陽誌

生員以孝贈中顯大夫宗簿寺丞命旌閭載麗史孝友編及晉陽誌○舊譜誤錄以寺令而今攷麗史釐正配晉陽河氏父三司左尹萬里

子忠佐